





有象列仙全傳卷之六

吳郡

王世貞輯次

新都

汪雲鵬校梓

許宜平。新安歛縣人。唐睿宗景雲中。隱於城陽山南塢。結庵以居。不修服餌。時見不食。顏若四十許人。輕健行。及奔馬時。負薪賣于市。擔上常掛一花瓢。携曲竹杖。每醉吟騰騰以歸。吟曰。負薪朝出賣。沽酒日西歸。借問家何處。穿雲入翠微。往來三十餘年。或施人。危急或救人疾。苦士人多訪之。不得見。但見庵壁題詩曰。隱居三十載。築室南山巔。靜夜翫明月。閑朝飲碧泉。樵人歌隴上。谷鳥戲岩前。樂矣不知老。都忘甲子年。仙詩甚多。常於驛







許宣平

路傳舍所到處輒題之天寶中李白東遊經傳舍覽詩  
 嘆曰此仙人詩也詰之知為宣平於是遊新安屢訪之  
 亦不得見因題詩於庵壁曰我吟傳舍詩來訪仙人居  
 烟銷迷高迹雲林隔太虛窺庭但蕭索倚杖空躊躇應  
 化遼天鶴歸當千歲餘宣平歸見壁詩乃自題曰一池  
 荷葉衣無盡兩畝黃精食有餘又被人來尋討着移庵  
 不免更深居其庵輒為野火所燒莫知宣平踪跡後百  
 餘歲至懿宗咸通十二年許明恕婢嘗逐伴入山採樵  
 一日獨於南山中見一人坐石上食桃甚大問婢曰汝  
 許明恕家婢耶婢曰是曰我即明恕之祖宣平也婢曰  
 嘗聞家內說祖翁得仙無由尋訪宣平因謂婢曰汝歸





聶師道

為我向明恕道我在此山中與汝一桃即食之不得將  
 出山山神惜此桃且虎狼甚多也婢食之甚美須臾而  
 盡乃遣婢隨樵人歸婢覺樵擔甚輕到家具言入山途  
 祖翁宣平明恕怒婢呼祖諱取杖擊之其婢隨杖身起  
 不知所逝後有人入山見婢復童顏遍身衣樹皮行疾  
 如飛入深林不見

聶師道歛縣人少學道得服松脂法乃登積溪百丈山採  
 芝後詣南嶽招仙觀聞蔡真人舊隱去洞靈源不遠乃  
 辟穀七日獨往遇老父問所從來因折草與之師道嚼  
 之味甘自是精健每入山虎豹見之皆馴伏號問政先  
 生一日謂其徒曰我為仙官所召語訖而逝及歿棺有



聲視之若蟬蛻然後自自豫章來者見之於道

傳先生學道焦山精思七年遇老君與一木鑽使穿石

盤石盤厚五尺許戒云石盤穿可得仙鑽四十七年石

穿仙人來曰志亦堅矣授以金液還丹服之仙去

王可交華亭人業耕釣一日擢舟入江忽見中流有彩舫

舫中七道士遙聞有呼可交名者舟漸近舫呼可交過

二道曰好骨相合為仙一道與之二粟食之甘如飴命

黃衣送上岸覓所乘舟不得却在天台山瀑布寺前有

僧迎問之可交曰今早離家是三月三日僧曰今已九

月九半年餘矣後絕穀挈妻子往四明山不復返

李登號達觀子居少室山好神仙之道得黃帝陰符經於





高山虎口巖王匣中乃寇謙之所藏者本已糜爛筌抄  
讀數千遍竟不曉其義後入秦至驪山下逢一老姥鬢  
髻當頂餘髮半垂弊衣拄杖狀貌甚異偶路傍遺火燒  
樹因自言曰火生於木禍發必尅筌驚問曰此黃帝陰  
符經文姥何得言之姥曰吾受此經已三元六周甲子  
矣少年更從何得之筌稽首再拜以告所得姥曰少年  
顙骨貫於生門命門齊於日角血腦未減心影不偏德  
賢而好法神勇而樂智真吾弟子也於是坐石上與筌  
說陰符之義久之姥曰日已曛矣吾有麥飯相與為食  
袖中出一瓢令筌谷中取水水既滿瓢忽重千餘斤力  
不能制瓢遂沉乃還已失姥所在但留麥飯數升而已

筌食之自此絕粒唐開元中為江陵節度使副御史中  
丞筌有將畧作太白陰符經十卷又著中台志十卷時  
為李林甫所排位不顯竟入名山訪道後不知其所之  
李太白字太白與聖皇帝九世孫其先於隋末徙西域神龍  
初道還客巴西白之生母夢長庚星入懷因以名之十  
歲通詩書既長隱岷山州舉有道不應蘇頌為益州長  
史見白異之曰是子天才英特少益以學不減相如後  
至長安謁賀知章知章見其詩歎曰子謫仙人也言於  
玄宗召見金鑾殿論當世事奏頌一篇帝賜食親為調  
羹有詔供奉翰林帝嘗坐沉香亭時牡丹盛開欲白為  
樂章速召適白已醉左右用水頰其面醉稍解帝親使



貴妃為之捧硯即成清平調三章筆無留意帝愛其才  
 數宴見白嘗醉使高力士脫靴力士素貴耻之因搯其  
 詩以激貴妃帝欲官白妃輒沮之白自知不為親近所  
 容尤驚放不自修與張旭等日醉時稱為酒中八仙懇  
 求還山帝賜金放還安祿山反時求王璘璠白為寮佐  
 璘起兵敗當誅初白游并州見郭子儀奇之子儀犯法  
 白為救免至是子儀請解官并上所賜銀印以贖之詔  
 流夜郎會赦還潯陽坐事下獄時宋若愚將吳兵三千  
 赴河南過潯陽釋囚辟為參謀未幾辭職訪當塗令李  
 陽冰後代宗召咸謂白醉隨之江死元和初有入海上見  
 白與一道士在高山上笑語久之與道士於碧霧中共





跨赤虬而去白龜年白樂天之後也嘗至高山遙望東巖古木簾幕罕地信步往觀忽一人至前曰李翰林相招龜年乃隨入其人褒衣博帶風姿秀發曰吾李白也向木解為仙上帝令吾掌晟奏于此已將百年汝祖樂天見在五臺掌功德所出書一卷遺龜年云讀之可以識禽言後白海瓊亦云李白今為東華上清監清逸真人白樂天為蓬萊長仙主白居易附

李長者自滄州來孟縣日惟食十棗一栢葉小餅掩室著論無虛時後至冠監村逢一虎馴伏長者語虎曰吾欲釋華嚴經可與吾擇一榜止處虎遂起引至神福山得一龕居之乃著論年九十六化於龕中

商棲霞歷陽人唐太極中居于白石山下彭仙洞善吐納之術絕粒三十年後不知所往

懶殘唐天寶初居衡岳寺為僧執役食退即收其餘性懶而食殘因名之李泌寓衡嘗夜往見之懶殘方撥牛糞火煨芋出半芋食之曰慎勿多言領取十年宰相後果然

相中老人在岳陽舊志唐呂雲卿嘗寓于君山側遇一老人索酒數行老人歌曰湘中老人讀黃老手援紫纒坐碧草春至不知潮水深日暮忘却巴陵道蘇東坡云此詩句殆是李謫仙輩蓋真遁世者也今考唐詩乃高駢所作未知孰是



刑和璞



刑和璞不知何許人隱居瀛海濱善算人心術凡人心之所謀度咸能算而知之後卜居嵩穎間著穎陽書算心旋空之訣復能以法活暴死者唐明皇開元十二年至都朝貴候乏門如市有友人居白馬坡下和璞適至死已踰日其母哭之哀和璞令置尸于牀引衾同卧閉戶良久起具湯沐復與寢遂活崔司馬者與和璞善因疾篤呼曰邢先生何棄我耶已而聞寢壁有穿穴聲窺之有微隙漸大見道從數百人

和璞紫衣大冠坐車中謂崔曰邢某已請太乙相救言訖與隙俱不見其疾即愈房瑄為桐廬宰待和璞甚殷一日笑謂瑄曰君當為宰輔善自愛然其終必食鱸棺龜效不在私第不在公館



不在寺宇不在外家。瑄後果踐合輔。謫居閩州。臥疾。茶  
極宮稍愈。太守招會郡齋。進鱸食。畢疾復作。夢神人曰。  
那真人之言信矣。翌日果終。時有賈者施龜。茲板為老  
君座。因假以為棺。和璞廬終南學道者多依之。持崔曙  
與其為友。恭事左右。一日謂弟子曰。旦夕有異客來。子  
等為予設具。且戒曰。謹毋窺伺。翌日果一人至。身長五  
尺。闊二尺。首居其半。衣緋執笏。鼓髯大笑。召角侵耳。作  
劇談多。非人間語。崔曙趨而過庭。客熟視謂和璞曰。此  
非泰山老師乎。曰。然。食畢而去。和璞謂曙曰。此上帝戲  
臣也。言泰山老師子復能省乎。曙曰。向聞先生言某泰  
山老師。後身然。前身不得記也。和璞後不知所之。





吳道元字道子。初名道子。後作宇陽。霍人。少學書。於賀知章張顛不成。因學畫。末冠。即深造微妙。蓋得之於性。非積習所能致也。初為兗州瑕丘尉。明皇召入供奉。由此名振天下。大率師法張僧繇。人咸謂其為後身焉。世稱顧愷之畫。隣女以棘刺其心。而使之呻吟。道子畫驢於僧房。夕夕有踏藉破迸之聲。以惱僧。僧繇畫龍點睛。聞雷則破壁飛去。道子畫龍鱗甲。若飛動。每天雨。則煙霧生。殆兼張顧而有之。其神妙如此。宮中有粉牆數尋。明皇使畫山水。于上。道子乃調墨一盆。盡潑牆上。以暮覆之。頃間去幕。請上觀。畫山水林木人烟鳥獸。無不備具。上縱觀久之。歎羨無已。道子復徐步指點曰。此山岩之

下有一小洞。其中有仙扣之。必應。于是以指擊之。忽然門開。有童子伺側。道子奏曰。洞中甚佳。臣請先入。願陛下繼來。道子遂入洞中。以手招上。上不能入。須臾門閉。莫知道子所之。其所畫牆。仍筆白如舊。無有餘墨矣。

王皎先生善他術。於曆數未嘗言。天寶中。偶與客夜中。露坐。指星月曰。時將亂矣。為鄰人所訟。時上春秋高。頗拘忌其語。於是密詔殺之。刑者鑿其頭數十方。死。因破其腦。視之。腦骨厚一寸八分。皎先與達奚侍郎還。往及安史平。皎杖屨至達奚家。人方知其異。後訪杜甫於浣花溪。曰。君今雖偃蹇。他日當大名垂之。萬世同少微垣中宿也。即前王冕重出



羅公遠鄂人唐玄宗好仙術開元中中秋宮中翫月公遠  
 請玄宗遊月宮後玄宗學隱形之術於公遠不盡傳之  
 或不帶或巾角不能全隱玄宗詰之公遠曰陛下不能  
 脫屣天下而以道為戲若盡臣術必懷璽人家將困於  
 垂腹也玄宗怒慢罵之公遠遂走入殿柱中且䟽上失  
 上愈怒令易柱破之復大言於石碣中乃易碣觀之碣  
 明瑩見公遠形在其中長寸餘因碎為十數段悉有公  
 遠形上懼謝不復見後有使者入蜀見公遠黑水道中  
 笑曰為我謝陛下我姓羅名公遠以蜀當歸寄獻之後  
 玄宗幸蜀始悟當歸之意

羅子房號冲虛子玄宗開元中父子修行於王笥元貞觀





其父乃解，葬空棺於觀側。冲虚子繼亦成仙，駕空舟於門外，高衫表飄飄騰雲而去。

申泰芝，字元之，唐洛陽人。母楊氏夢吞芝而孕，故名。與玄宗同誕日，歷覽勝地，後往邵陵，余湖山修煉。玄宗夢湖，商有白雲居士物色，覓召至京，賜號大國師，住玄真觀，與張果、邢和璞、羅公遠、葉法善、尹愔、何思遠、史崇祕常從。帝遊善清談，上每延問，動輒移晷。惟貴妃與內人張雲容嘗侍上，亦數侍元之。茶藥雲容乘間乞，長生藥元之曰：「吾不惜，但汝在世不久耳。」雲容復懇求不已。元之憐其恭勤，乃與絳雪丹一粒，曰：「汝服之，死必不壞，但其棺廣其穴，舍以珠玉，使魂不飄蕩，魄不淪汨，百年外。」

遇生入之氣，可以復活。此太陰煉形之道，當為地仙。復百年遷洞天矣。後雲容從幸東洛，病于蘭昌宮，以元之之言哀請于帝。帝命中人陳玄造如其所請而葬之。至憲宗元和末，已百年。雲容果遇薛昭得再生。元之還山未幾，昇仙。宋封妙寂靈修真人。

薛昌，幽薊人，為唐進士。天寶間，棲止于蜀之青城洞天，觀偶得商陸酒，飲之，耳鼻流血，死。經三日，歷然而蘇，肌膚潔白，容狀頓少，身輕目明，勢欲飛舉。洞見遠近，雖山林崖巘，不隔視聽。時玄宗崇尚至道，節度使延至賓館，欲乘以驛騎送京，忽失所在。後有見其在大面山者。薛季昌，河東人，遇司馬承禎於南岳，授以玉洞經錄，研真。



窮妙勤修不懈高真屢降異香妙藥於其室唐明皇召  
 禁掖延問道德談論極精微上喜恩寵優異即懇還  
 山上賦詩贈之曰洞府修真客衝陽念舊居將成益闕  
 要願奉玉清書雲路三天近松壑萬籟虛猶宜傳秘訣  
 來往候仙輿丹成一日忽曰祝融峯今夕有天真會予  
 被召當往遂凌虛而去

徐佐卿蜀人唐天寶中道士常化為鶴玄宗獵西苑見孤  
 鶴射之卿帶矢而歸謂弟子曰吾遊出山為飛矢所中  
 乃掛箭于壁曰待前主來付之後玄宗果幸蜀遊觀中  
 識其箭



佐卿



武攸緒則天皇后從子年十四潛於長安市中賣卜一處  
不過五六日因徙升中岳遂隱居服赤箭茯苓貴人王  
公所遺鹿裘藤器上積塵蘿弁而不用晚年肌肉殆盡  
目有紫光晝見星月又能詳辨數里外語安樂公主出  
降上遣璽書召令勉受國命覽屈高標至克親貴候謁  
寒温之外不交一言封國公不受及還山勅學士賦詩  
送之

裴玄靜李言妻也無考何許人嘗獨居夜中常有笑語聲  
言疑潛於壁隙窺之見二女子年可十六七鳳髻霓裳  
端妙絕世侍女數人皆雲鬟絳服綽約于側言驚呼忽  
侍女奏樂白鳳載玄靜升天而去

帛和字仲禮師董先生行氣斷穀又詣西城山師王君君  
謂曰大道之訣非可卒得吾暫往瀛洲汝居此石壁中  
可熟視石壁又當見文字見則讀之得道矣和視一年  
了無所見二年似有文理三年始見太清經神丹方三  
皇文五嶽圖和朝暮誦之王君回曰子得之矣乃作神  
丹服半劑延年無極以半劑作黃金五十斤救人貧病  
後仙去

張氲晉州人號洪崖子隱姑射洞中仙書秘典無所不通  
唐玄宗召問曰先生善長齋可得聞乎即應聲而發拜  
官不受還山絕粒服氣洪州大疫有狂道士市藥服者  
立愈玄宗聞之意必氲也果然三召不至天寶末忽大





霧月解乾元中詔立應聖宮奉肅宗以盪配焉。  
 邊洞玄素強人自幼於紫雲觀修行得道白日上昇唐玄  
 宗御製詩詞褒揚之牌刻尚存于觀。  
 趙惠宗峽州宜都道士得九天仙籙三洞秘法漸皆通曉  
 後居郭道山唐明皇天寶末還峽於郡之東北積薪自  
 焚僚庶悉往觀之惠宗怡然坐火中誦度人經斯須化  
 為瑞雲仙鶴而云火既燼其下草猶綠遺三簡有詩二  
 首。  
 顏真卿字清臣師古五世孫博學工詞章開元間舉進士  
 擢制科遷監察御史德業詳載唐書建中四年德宗命  
 真卿問罪李希烈內外知公不還親族餞于長樂坡公



醉跳躑前楹曰吾早遇道士云陶八八授以刀圭碧霞  
丹至今不衰老又云七十有厄吉他日待我于羅浮山  
得非今日之厄乎公至大梁希烈縊殺之塋于城南希  
烈敗家人啓柩見狀貌如生徧身金色爪甲窻出手背  
鬚髮長數尺歸塋偃師北山後有商人至羅浮山見二  
道士奕棋樹下一道士曰何人至此答曰小客洛陽人  
道士顧笑曰願寄一家書商還至北山顏家子孫得書  
驚曰先太師筆也發塚開棺無一物徑往羅浮求之竟  
無踪跡後白玉蟾云顏真卿今為北極驅邪院左判官  
鳳網漁陽人常採百草花以水漬封泥之自正月始至九  
月未止埋之百日煎而丸之暴死者以藥納口中皆立

活網長服此藥至數百歲不老後入地肺山中仙去  
黃升長汀人自幼得道錢沉水中呼之即出又能內汞於  
日中運氣煉之即成白金有蔡道死升為棺殯後道人  
遺書與升云在崆峒相候升往見之曰吾向時有文字  
在墻隙間汝歸誦之忽不見升得其文字自是能役使  
鬼後尸解

王昌遇為梓州獄吏遇落魄仙張姓者賣鼠藥於梓州昌  
遇念及囚徒嘗為鼠所齧市藥以歸伺鼠食之皆翼而  
飛昌遇至瀘又遇仙乃市其藥即餌之仙遂為易名為  
易玄子取一馬令乘以歸既至乃龍也後以九月九日  
飛昇即其地為藥市





何仙姑廣州增城縣何泰女也生而頂有六毫唐武后時  
 住雲母溪年十四五夢神人教曰食雲母粉當輕身不  
 死夢明甚因餌之遂誓不嫁常往來山谷其行如飛每  
 朝去暮則持山菓歸遺其母後漸辟穀語言異常武后  
 遣使召赴闕中路復失去景龍中白鳥昇仙天寶九載  
 見于麻姑壇立五色雲中大曆中又現身于廣州小石  
 樓刺史高暈上其事于朝

呂巖字洞賓唐蒲州永樂縣人祖渭禮部侍郎父讓海州  
 刺史貞元十四年四月十四日巳時生因號純陽子初  
 母就蓐時異香滿室天樂浮空一白鶴自天而下飛入  
 帳中不見生而金形木質道骨仙丰鶴頂兔背虎體龍



腮鳳眼朝天雙眉入鬢頸脰脩顧露額闊身圓鼻梁聳直  
 面色白黃左眉角一黑子足下紋起如龜少聰明日記  
 萬言矢口成文身長八尺二寸喜頂華陽巾衣黃襖衫  
 繫太皂絲狀類張子房二十不娶始在襁褓馬祖見之  
 曰此兒骨相不凡自是風塵外物他時遇廬則居見鍾  
 則扣留心記取後遊廬山遇火龍真人傳天遁劍法唐  
 會昌中兩舉進士不第時年六十四歲遊長安酒肆見  
 一羽士青巾白袍偶書三絕句於壁其一曰坐引常携  
 酒一壺不教雙眼識皇都乾坤許大無名姓疎散人間  
 一丈夫其二曰得道真仙不易逢幾時歸去願相從自  
 言住處連滄海別是蓬萊第一峯其三詩莫厭追歡笑



神仙傳卷之六



語頻尋思離亂可傷神聞來屈指從頭數得到清平有  
幾人洞賓訝其狀貌奇古詩意飄逸因揖問姓氏再拜  
延坐羽士曰可吟一絕予欲觀子之志洞賓授筆書曰  
生在儒家遇太平懸纓重帶布衣輕誰能世上爭名利  
欲事天皇上王清羽士見詩曰吾雲房先生也居在終  
南鶴嶺子能從遊乎洞賓未應雲房因與同遊肆中雲  
房自為執炊洞賓忽就枕昏睡夢以舉子赴京狀元及  
第始自即署樞臺諫翰苑秘閣及諸清要無不備歷兩  
娶富貴家女生子婚嫁蚤畢孫甥振振簪笏滿門如此  
幾四十年又獨相十年權勢薰炙偶被重罪籍沒家資  
分散妻孥流于嶺表一身子然窮苦憔悴立馬風雪中

方興浩嘆恍然夢覺炊尚未熟雲房笑吟曰黃梁猶未  
熟一夢到華胥洞賓驚曰先生知我夢耶雲房曰子適  
來之夢升沉萬態榮悴千端五十年間一瞬耳得不足  
喜喪何足悲世有大覺而後知入世一大夢也洞賓感  
悟遂拜雲房求度世術雲房試之曰子骨節尚未完欲  
求度世須更數世可也翩然別去洞賓即棄儒歸隱雲  
房自是十試洞賓皆過第一試洞賓自外遠歸忽見家  
人皆病死洞賓心無悔恨但厚備葬具而已須臾死者  
皆起無恙第二試洞賓鬻貨於市議定其價市者翻然  
止酬其直之半洞賓無所爭委貨而去第三試洞賓元  
日出門遇丐者倚門求施洞賓即與錢物而丐者索取



不厭且加諄詈。洞賓惟再三笑謝。第四試洞賓牧羊。山中遇一餓虎，奔逐羣羊。洞賓蔽羊下阪，獨以身當之。虎迺釋去。第五試洞賓居山中草舍，讀書。一女年可十七，入容華絕世，光艷照人。自言歸寧母家，迷路日暮，足弱借此少憩。既而調弄百端，夜逼同寢。洞賓竟不為動。如是三日，始去。第六試洞賓一日郊出，及歸則家資為盜劫盡，殆無以供朝夕。洞賓了無愠色，躬耕自給。忽鋤下見金數十片，速掩之。一無所取。第七試洞賓遇賣銅器者，市之以歸，皆金也。即訪賣主還之。第八試有風狂道土陌上市藥，自言服者立死。再世得道，旬日不售。洞賓買之道士曰：子速備後事可也。輒服無恙。第九試春潦

泛溢，洞賓與眾共涉。至中流，風濤掀湧，眾皆危懼。洞賓端坐不動。第十試洞賓獨坐下室，忽見奇形怪狀鬼魅無數，有欲擊者，有欲殺者。洞賓絕無所懼，復有夜叉數十，械一死囚，血肉淋漓，號泣言汝宿世殺我，今當償我命。洞賓曰：殺命償命，宜也。起索刀欲自盡償之。忽聞空中一叱聲，鬼神皆不復見。一人撫掌大笑而下，即雲房也。曰：吾十試子，子皆心無所動，得道必矣。但功行尚未完，吾今授子黃白之術，濟世利物，使三千功滿，八百行圓。來度子。洞賓曰：所作庚辛有變異乎？曰：三千年後還本質耳。洞賓愀然曰：誤三千年後人不願為也。雲房笑曰：子推心如此，三千八百悉在是矣。乃携洞賓至鶴



嶺悉傳以上真秘訣。俄清溪鄭思遠大華施真人由東  
南凌虛而來相揖共坐。施真人曰：侍者何人？雲房曰：呂  
海州讓之子。因命洞賓拜二仙。思遠曰：形清神在，目秀  
精藏，可與學道者也。去後，雲房謂曰：吾朝元有期，當奏  
汝功行於仙籍。汝亦不义，居此後十年，洞庭湖相見。又  
以靈寶異法及靈丹數粒。示洞賓授受間，有二仙捧金  
簡寶符，語雲房曰：上帝詔汝為九天金闕選仙，當即行。  
雲房謂洞賓曰：吾赴帝召，汝好住人間，立功立德。他時  
亦當如我洞賓再拜曰：巖之志異於先生，必須度盡天  
下衆生方願上昇也。於是雲房棄雲冉冉而去。洞賓既  
得雲房之道，兼火龍真人天遁劍法，始遊江淮，試靈劍。

遂除蛟害，隱顯變化四百餘年。常遊湘潭岳鄂及兩浙  
汴譙間，人莫之識。自稱回道人。宋政和中，宮中有崇白  
晝見形，盜金寶妃嬪，林靈素、王文卿諸人治之，息而復  
作。上精齋虔禱，奏詞凡六十日，晝寢見東華門外有一  
道士，碧蓮冠紫鶴髦，手持水晶如意，揖上曰：臣奉上帝  
命來治此祟，即召一金甲丈夫，捉祟劈而啗之，且盡。上  
問丈夫何人，道士曰：此乃陛下所封崇寧真君關羽也。  
上勉勞再四，因問張飛何在，羽曰：張飛為臣累劫，世世  
作男子身，今已為陛下生於相州岳家。夫上問道士姓  
名，道士曰：臣姓陽，四月十四日生，夢覺錄之，知其為洞  
賓也。自是官禁帖然，遂詔天下有洞賓香火處皆正妙。



通真人之號其神通妙用不能盡述仍有詩詞歌訣碑文存行于世後岳武穆父果夢張飛託世故以飛命名云

張志和字不同唐金華人母亭楓生腹上而生肅宗擢明經賜名志和命待詔翰林始名龜齡兄名松齡後親喪不復仕遨遊江湖自號烟霞釣徒又號玄真子垂釣不設餌志不在魚也善畫飲酒三斗不醉守真養氣卧雪不寒入水不濡與陸羽顏真卿友善真卿為湖州刺史時日相唱和真卿遊平望驛志和酒酣鋪席水上獨坐而酌席來去如舟俄有雲鶴旋後其上真卿僚佐觀者莫不驚異遂揮手謝真卿漸昇而去



張志和





季賀字長吉系出鄭王後唐之宗子也纖瘦通眉指爪長尺許七歲能辭章韓愈皇甫湜始聞未信過其家使賦詩賀援筆輒就自曰高軒過二人大驚後為協律郎卒年二十七賀將終忽見一緋衣天使駕赤虬持一版書若太古篆霹靂石文者云奉帝命召季長吉賀不能讀歛歛下榻扣頭言母老且病不願去緋衣人笑曰帝白玉樓成立召君為記天上殊樂不苦也賀泣下沾襟人盡見之少頃氣絕而去

韓湘子字清夫韓文公之猶子也落魄不羈遇純陽先生因從游登桃樹墮死而尸解來見文公文公勉之學湘曰湘之所學與公異公不悅令作詩以觀其志詩曰青



山雲水窟此地是吾家子夜餐瓊液寅晨咀絳霞琴彈  
 碧玉調爐煉白珠砂寶鼎存金虎芝田養白鴉一瓢藏  
 造化三尺斬妖邪解造逡巡酒能開頃刻花有人能學  
 我同共看仙葩公覽曰子豈能奪造化耶公即為開樽  
 果成佳醞復取玉無何開碧花一朵似牡丹差大顏色  
 更麗花間擁出金字一聯云雲橫秦嶺家何在雪擁藍  
 關馬不前公讀之不解其意湘曰他日自驗未幾公以  
 極諫佛骨事謫官潮州途中遇雪俄有一人冒雪而來  
 乃湘也曰公能憶花間之句乎公詢其地即藍關嗟嘆  
 久之曰吾為汝足此詩即韓集中一封朝奏九重天云  
 云遂與湘宿監開傳舍公方信湘之不誣也湘辭去出



山雲水窟此地是吾家

四



藥一瓢與公曰服一粒可以禦瘴毒公愕然湘曰公不  
及即西不惟無恙且當復用於朝公曰此後復有相見  
之期乎湘曰前期未可知也

瑕丘仲甯人也賣藥百餘年因地動宅壞仲與里中數十  
家皆死或取仲尸棄水中收其藥賣之忽見仲披裘詣  
之取藥其人大懼叩頭求哀仲曰非恨汝也使入知我  
耳我去矣後為夫餘王驛使自北乘傳至甯北方人謂  
之謫仙

江叟善吹笛槐上有神教往荆山求鮑仙叟如言得遇鮑  
仙贈以玉笛吹之龍來迎去成水仙

許栖岩家岐山下唐貞元中下第寓長安見一蕃馬欲市





之未決請道士筮之得乾之九五飛龍在天利見大人  
道士曰此馬龍種也公市之當昇天栖岩喜遂市之時  
魏令公鎮蜀栖岩乘馬往謁道經劍閣馬忽失足墮于  
萬丈之壑積葉席之人馬無損栖岩嗟嘆久之復乘信  
馬行數十里至一洞口見萬花林中有青石池池傍石  
屋中有道士白髮丹臉偃卧于石榻之上傍侍二女栖  
岩叩首再拜一女駭曰汝何人遽至太乙元君之室栖  
岩語以故二女為白元君元君問曰汝在人間何好曰  
好道常誦老莊黃庭經元君曰汝於三書各得何句栖  
岩曰莊子則真人息之以踵老子則其精甚真黃庭則  
但思下部壽無窮元君曰子頗知道乃命坐王女酌石

髓而飲之元君曰嵇康不能得而汝得之數也栖岩乃  
跪謝王女前曰穎道士至矣元君命設榻而坐栖岩熟  
視道士正昔上馬者正驚異之道士曰昔卦合今日矣  
俄頃有仙童馭鹿龍而至曰東皇君迎元君翫月曲龍  
山元君謂栖岩曰可與同遊各跨鹿龍而去頃刻抵曲  
龍山見危橋千步聳柱萬尋元君命栖岩拜東皇東皇  
曰汝許長史孫也我昨與汝祖同飲亦知汝當來宴間  
東皇命王女歌青城丈人詞歌曰玉砌瑤塔泉滴孔玉  
簫催鳳和煙舞青城丈人何處遊玄鶴唳天雲一縷歌  
畢元君與栖岩復乘龍鹿而返下視一大城郭栖岩問  
曰此何處元君曰新羅國也至海畔小城又問此何處



曰此唐國登州也俄到洞府栖岩再拜懇歸元君曰汝  
得餌石髓已得人間千歲願無漏泄無荒淫能守此猶  
更得一見吾也栖岩將上馬元君曰此馬乃吾洞之龍  
因傷稼請人間汝到人間無用此馬但于渭溪解之當  
化龍去王女情謂栖岩曰龍馬回日號縣田婆針幸  
少許栖岩遂跨馬頃刻至號縣舊庄已六十年矣時唐  
宣宗大中五年也栖岩為訪田婆針田婆曰太乙家  
紫霄姊妹書來云托人求針其子耶栖岩遂索針繫于  
馬鬣放之渭水果化為龍而去栖岩後棲巨廬間每隱  
見不常焉

俞靈瓚河間人入衡山九真觀修道南岳赤君授以回風

術行之二十年能坐見天下事如在掌中然自晦不為  
異以驚俗唐憲宗元和中郴州官吏見其談說始異之  
即曰我偶然爾非有知也遂閉門不出後入九疑山絕  
粒仙去

伊和玄解鬢髮童顏氣自香潔常乘黃牝馬不啖芻粟  
不施韉勒惟以青氈籍其背常遊青兗間與人話千年  
事皆如目擊唐憲宗聞其異召入宮處以九華之室設  
紫芝日飲龍膏酒躬親訪問頗加敬仰而玄解魯朴未  
嘗習入臣禮上因問先生年高顏色不老何也玄解曰  
海上種靈草餌之因種于殿前一日雙麟芝二日六合  
葵三日萬根藤上餌之殊覺神驗玄解次辭還東海上





未之許。乃於宮中刻木作蓬萊三山。綵繪華麗。飾以珠  
 玉。上因元日與玄解視之。上指蓬萊曰。若非上仙。何由  
 得入此境。玄解笑曰。三島只尺。何為難及。臣雖無能。試  
 暫辭陛下。一遊。即湧身空中。覺漸微小。而入於金銀闕  
 內。左右連聲呼之。竟不復見。上追思嘆恨。幾成羸疾。因  
 號其山為藏真島。後旬日。青州奏玄解乘牝馬過海矣。  
 王四郎。唐洛陽尉王琚之姪。好道。久遊。元和中。琚赴調。自  
 鄭入京。過東都天津橋。四郎迎于馬前。以金五兩餽琚。  
 色如雞冠。曰。不可售。與常人到京。訪張蓬子。付之。價得  
 二百千。琚異之。詰四郎向在何地。今何適。曰。向居王小  
 屋洞天。今欲挈家。往我眉山。琚曰。今暫寓何地。曰。中橋

列仙全傳卷之六

列仙全傳卷之六





逆旅席家。瑒投宿。即覓席家云。四郎已行矣。因詢其行。李席氏曰。四郎妻妾四五人。車馬華侈。非常。瑒訝異之。至京。即訪張蓬子。出金示之。索值二千。蓬子驚喜曰。從何得此。化金。即如數與。易之。瑒後屢訪蓬子。不復得見。李珣。唐廣陵人。以販羅為業。每斗惟求子錢二文。資奉父母。凡羅羅授人。升斗俾自量。丞相李珣節制淮南時。夢入洞府。見石壁金書。姓名中有李珣。字方自喜。有二童云。此是江陽部民李珣。爾後百餘歲。果仙去。柳實。元微。衡岳人。唐元和中。結伴往驩慶二州。各省其父。至登州渡海。將抵交趾。夜半風颶忽起。舟纜斷。飄入大海孤島中。天明登島。見一廟。中有白王天尊像。案上金



香爐一枚，悵望久之，忽刺角有紫雲自海湧，山直指島上，俄有雙環侍女捧王合，至天尊所，炷以異香。二子以實告女曰：少頃至，虛尊歸來，此與南溟夫人會。子堅請之，當有所遂。言訖，二仙果乘白鹿，馭彩霞而來。二子泣拜求救。王虛語之曰：子隨南溟夫人而行，當有歸路，無憂也。夫人視二子，又之曰：二子殊有道骨，他日當得仙。但二子宿分自有師耳，雖然，既相遇，不可無贈。遂命侍女曰：送二客去。然所往何橋？侍女曰：百花橋。二子拜謝，乃贈以王壺一枚，來尺餘，復若以詩云：來從一葉舟中來，去向百花橋上去。若到人間，扣王壺，鴛鴦自解。分明語，俄見橋長數百丈，欄傍皆闌，異花二子於花隙細窺。

是群龍相接為橋，將至岸，侍女解襟帶，開一盒子，中有物如蜘蛛狀，謂二子曰：吾輩水仙也，純陰無陽，昔遇番禺少年，有情，因而生子，垂二歲，合棄之。夫人命與南岳之神，為子數年前南岳回鴈峯，有使者至水府，曾以吾子所弄玉環寄之，而使者隱之，不付。二君歸，願訪回鴈峯，使者廟，以此合投之，當得玉環為送。南岳與吾子，吾子亦當有報，慎勿啓之。二子因問侍女曰：夫人詩若到人間，扣王壺，鴛鴦自解，分明語何也？侍女曰：君有事，但扣王壺內，當應之。凡事皆可如意。又問夫人云：吾輩自有師，師當是誰？曰：南岳、太極先生爾。遂別去。二子抵家時，已十年，童稚已冠，二妻皆死。未及三日，二子急扣王



壺壺中應云可往使者廟投合當得妙藥二子乃共抵  
回鴈峯訪使者廟以合投之須臾有黑龍飛騰空中果  
下二玉環取之以送於南岳廟忽現黃衣少年出二  
金合謂二子曰此藥名返魂膏一君家有斃者雖一甲  
子猶可塗頂而活言訖不見二子遂持歸以塗其妻頂  
二妻復活乃共往南岳山中訪太極先生經年不遇丁  
日雪中見老叟負薪二子哀其年老飲之以酒忽睹薪  
擔上刻太極二字乃拜求之因出玉壺以告其故叟曰  
吾平生貯玉液者此壺也遂拉二子同上祝融峯不復  
出

村懋人

權同休友人元和中落第旅遊蘇湖間遇疾貧窘走使者  
本村懋人催已一年矣同思甘豆湯令其往市催者但  
具火水同意其怠於祗承也少然折枝盈握再三搓之  
微近火上忽成甘草同始異之良久取麈沙數指接按  
已成豆矣及湯成與甘豆無異疾亦漸差同乃謂曰余  
貧迫若此無以寸步因禱衣授之可以此釀少酒肉余  
將會村老少道路資也催者微笑曰此固不足辦某  
當蠶之乃研一枯桑成數筐札聚於盤上曬之悉成牛  
肉復汲水數瓶頃之皆旨酒也村老無不醉飽獲束縛  
三千同慚謝曰余驕稚道者久今返請為僕催者曰某  
固仙人有少失謫于下賤給役于秀才若限未足復須



力於它人矣願秀才勿變常庶卒其事也同雖諾之每  
呼指色上面感也不安催者乃辭曰秀才若此果妨不  
事也因說同脩短窮達之數且言萬物無不可化唯於  
泥中朱漆筋及髮藥力不能化遂去不知所之

盧山人寶曆中常於荆中販糶朴石灰往來於白泚南草  
市時時微露奇跡人不乏測賈人趙元卿好事將從之  
遊乃頻市其貨設菓茗詐訪其息利之術盧即覺曰觀  
予意不在市何為也趙乃言竊知長者埋形隱德河過  
著龜願垂一言盧笑曰今且驗君主人翁午時有非常  
之禍若是吾言當免君可告之將午當有匠師者負囊  
而至囊中有錢二千餘而必非意相干也可閉戶戒妻

孥勿輕應對彼必極罵須盡家臨水避之若爾祇費二  
千四百錢也時趙停居張家即盧語歸告之張亦素稔  
盧生乃閉門向欲午果有人如盧所言叩門求糴怒其  
不應因足其戶張重簣捍之頃觀者數十百人張乃自  
後門率妻孥如盧迴避差午其人乃去行數百步忽蹶  
倒而死其妻至衆人具告其所為妻痛切乃號避張所  
認其夫死有自官不能評鄰衆具言張閉戶避讓之狀  
官曰張固無罪但當辦其死耳張欣然從斷妻亦甘心  
及市糶就舉正當二千四百文因是人走之如市盧不  
耐竟潛迹至復州界維舟於陸奇秀才莊門或語陸盧  
山人非常人也陸乃謁陸時將入京投相知因請決疑



盧曰君今未可動君居堂後有錢一甌覆以板非君有也錢主今始三歲君慎勿取一錢取必成禍能從吾戒乎陸矍然謝之及盧生去水波未定陸笑謂妻曰盧生言如是吾更何求乃命家童鋤其地未數尺果遇板徹之有巨甌散錢滿焉其妻以裙連紐草貫之將及萬兒女忽暴頭痛不可忍陸曰豈盧生言將徵乎因奔馬追及且謝違戒盧生怒曰骨肉與利孰重君自揆也掉舟去不顧陸馳歸醮而瘞焉兒女豁愈矣盧生到復州與數人閑行遇六七人盛服俱帶酒氣逆鼻盧生忽叱之曰若等所為不悛性命無幾其人悉羅拜塵中曰不敢再其侶訝之盧曰此輩盡劫江賊也趙元和言盧生

貌老少不常亦不常見其飲食嘗語元和曰世間刺客隱形者不少道者得隱形術能不試二十年可易形名曰脫離後二十年名藉地仙矣又言刺客之死屍能不見所論多奇異蓋神仙之流也

威逍遙蕪尋妻也向得仙教獨處一室絕穀靜想一日晨起屋裂如雲但見所御衣履在室內而逍遙與衆仙在雲中半晌方去

唐居士郴州人亡其名字士人咸謂已百歲上人有揚隱之者頗好道常尋訪道者因謁之乃留隱之止宿及夜呼其女曰可將一卜弦月子來其女遂帖於壁如片紙唐即起祝之曰今夕有客可賜光明言訖一室朗若張



燭

有象列仙全傳卷之六

有象列仙全傳卷之七

吳郡 王世貞輯次

新都 汪雲鵬校梓

裴航唐長慶中書生因下第遊于鄂渚謁故舊崔相國相  
 國贈錢二十萬遂挈歸于京因備巨舟載於襄漢聞同  
 載有樊夫人國色也航無由覩面因侍婢裊烟而達詩  
 一章曰向為相越猶懷想况遇天仙隔錦屏倘若王京  
 朝會去願隨鸞鶴入青冥數日後夫人使裊烟召航相  
 識曰妾有夫在漢南將欲棄官而幽棲巖谷召某一央  
 耳深哀草擾慮不及期豈更有情留盼耶但幸與郎君  
 同舟無以諧謔為意爾夫人亦使裊烟答詩一章云一



飲瓊漿百感生。玄霜搗盡見雲英。藍橋便是神仙窟。何必崎嶇上玉京。航覽之空。愧佩而已。然亦不能洞達詩之旨意。及抵襄漢。夫人使婢挈妝奩不。雞而去。航遍求訪滅跡。匿影。竟無蹤兆。後經藍橋驛。因渴甚。下道求飲。見茅屋二四間。有老嫗。緝麻。其下航揖。嫗求漿。嫗出曰。雲英携一甌漿來。郎君飲。航憶夫人詩有雲英之句。正訝之。俄葦簿之下。雙手如玉。捧出瓷甌。航接飲之。不帝王夜也。因還甌。遽揭薄。見一女子。光彩照人。航愛慕不已。因白嫗曰。某僕馬甚乏。願少憩於此。幸無見阻。嫗曰。任郎君自便耳。良久告嫗曰。向睹小娘子。豔麗驚人。姿容耀世。所以躊躇而不能去。願納厚禮而娶之。可乎。嫗





曰老病只有此孫女昨有神仙與靈藥一刀圭但須至  
杵臼搗之百日方可就吞當得後天而老若欲娶此女  
者須得玉杵臼其餘金帛吾無用處耳航拜謝曰願以  
百日為期必携杵臼至幸無復許入姬曰如約航至京  
殊不以他事為意唯遍訪玉杵臼或遇舊友若不相識  
衆皆以為狂忽遇一貨王翁曰近得號州卞老書云有  
玉杵臼售人今見郎君懇求如此吾當為書道達航即  
求書往卞老曰非二百緡不可得航乃傾囊兼賣僕馬  
友及其值輒步驟獨携而抵藍橋姬見大笑曰世間有  
如此信士乎遂許以為婚女亦微笑曰雖然更為搗藥  
百日方議姻好姬於襟帶間解藥付航航即搗之夜則

姬收藥曰于內室每猶聞搗藥聲航窺之見王克持杵  
而春雪光可鑑百日足姬持藥而吞之曰吾當入洞而  
告姻戚為裴郎具幃帳遂挈女入山謂航曰但少留此  
後巡車馬隸人迎航見一人第連雲朱屏晃日內有帳  
幄帷屏珠玉珍玩莫不臻至仙童侍女引航入帳就禮  
訖航拜姬不在感荷姬曰裴郎自是清冷裴真人子孫  
業當出世不足深愧也及引見諸姻戚皆神仙中人一  
女仙鬢髻靈衣云是妻之姊航拜訖女仙曰裴郎不相  
識耶航曰昔非姻好不省拜侍女仙曰不意鄂渚同舟  
而抵襄漢乎航愧謝左右曰是小娘子之姊雲翹夫人  
劉綱仙君之妻也巳列高真為玉皇之女史姬遂將航



夫妻入王峯洞中。瓊樓珠室而居之。餌以絳雪瓊英之  
 丹。體漸清虛。毛髮紺綠。神化自在。超為上仙。至太和中。  
 友人盧顥遇之於藍橋驛。之西。徠說得道之事。乃贈藍  
 田美玉十斤。紫府雲丹一粒。叙話未日。復附書於親舊。  
 顥稽顙請曰。兄既得道。乞一言惠教。航曰。老子云。虛其  
 心。實其腹。今之人心。愈實得道。未由矣。顥猶懵然。復語  
 之曰。心多妄想。腹漏精液。虛實可知也。凡人自有不死  
 之術。還丹之方。祖子未可教。異日言之。忽不見。雲英附  
 軒轅集。不知何許人。居羅浮山。人相傳數百歲。顏色不老。  
 髮長垂地。坐暗室。日光長數丈。每採藥於岩谷。則毒龍  
 猛獸隨之。若為衛護。居常人家請齋者。雖百處皆分身。



列仙全傳卷之七  
 四



而至與人飲酒則袖出一壺。總容二升。賓客滿座。傾之。彌日不竭。自飲百升。不醉。夜則垂髮盆中。其酒仍漉漉而出。飛朱符可致千里。遇病者。以布巾拂之。應手而愈。宣宗召入。問長生可致不。荅曰。絕聲色。薄滋味。哀樂一。致德施無偏。自然與天地合德。日月齊明。雖堯舜禹湯之道。可致。况長生久視乎。帝問先生與張果孰愈。曰。臣不知其他。但年少於果耳。及退。上以金盆覆白鵝。令中使試之。集曰。皇帝安能更令老夫射覆乎。中使不諭其意。上復召令速至。集總登陛。謂上曰。盆下白鵝。宜放之。上笑曰。先生早知矣。命坐御榻前。令宮人侍茶湯。集貌古而布素。宮人有笑之者。元鬢髮朱唇。年方二八。須臾

變為老嫗。雞皮鮐背。髮髮幡然。因涕泣不已。上令謝之。即復故步。京師素無苴蒺荔枝。花上因語及頃刻。二花並至。各數百朶。枝葉方茂。如新剪者。時坐有相子。集曰。臣山中亦有。味更佳。上曰。無緣得矣。集乃取御前碧玉甌。以寶盤覆之。俄頃徹盤。相子幾滿。上食之。嘆曰。美無匹。又問曰。朕得幾年。天子集取筆書四十年。但十字一起。上笑曰。朕安敢望四十年乎。久之辭還山。命使送之。每見其於一布囊內探錢施人。比至江陵。已施數十萬。取之不竭。未及至山。忽亡其所在。不日南海奏先生已歸羅浮矣。及宴駕。只十四年也。十字一起。當不之悟耳。



劉元靖武昌人為道士師王道宗道宗仙去遂感悟遊名山入南嶽峻峯鑿石穴以居絕粒煉氣唐敬宗召入思政殿問長生術尋放歸武宗復召入禁受法錄賜號廣成先生還山宣宗時忽天樂浮空而去惟存杖履焉  
 錢朗南昌人字內光蚤以五經登科仕唐累官至光祿卿文宗朝歸隱廬山得補腦還元之術錢鏐延至于杭禮之如師玄孫數人皆以明經為縣宰皆皓首矣而朗猶如童子一日語家人曰我適為上清所召今去矣俄氣絕顏色如生舉棺已尸解去時年一百七十餘歲  
 鄭全福江西浮梁人唐文宗時入新安諸靈洞修煉後居蓮華洞遊桃花溪有老人乘鐵船全福曰願借船還老



列山人傳卷之二



人曰後三年復來時已百歲餘語弟子曰死必葬我浮  
 梁白水鄉及舉棺輕發之唯杖履而已  
 羊惜以明經尉夾江後隱括蒼止與青蓮觀道士飲于阮  
 客洞忽仆地七日乃悟云初見一女自云雲英邀入洞  
 中石間有物迸出曰此青靈芝也惜已取食之自是惟  
 飲水覺身輕日行數百里後入委羽山仙去  
 侯道華芮城人或云自峨眉山來詣中條道靖觀師周悟  
 仙恒如風狂人登危立險如履平地性好子史手不釋  
 卷因殿宇壞登梁葺之得小金合中有丹遂吞之後上  
 松樹頂與雲鶴盤旋漸凌空而去時唐宣宗大中五年  
 也後復降曰王帝命我為仙基郎矣



侯道華



廖師郴州人唐懿宗召入行道術有驗後乞歸山韓愈為文送之云。柳之為州當清淑之氣意必有魁奇者生其間。廖師氣專而容寂多藝而善游。豈吾所謂魁奇而窮於老氏者耶。後于靜福山白日昇天。

劉德本鄂州人好古多能。往來大江商販。唐乾符中大飢。遂散米數萬石活飢民。後避黃巢亂居五老峯下。一日有鹿裘道者來訪。因把臂入深澗。忽見一老人出曰。可同到後院。丹碧煥耀。老人指曰。此誠真洞天也。以汝行善。故許到此。遂不見。道者曰。尔已藉名仙錄矣。相別而去。德本後遍遊名山。一日彩雲環繞。白日騰昇。時呼劉仙翁云。



劉瞻

仙翁全傳卷之七



劉瞻小字宜哥唐人家貧好道無市但總角其元瞻曰神仙遐遠難求廊廟只尺易致瞻不聽忽一道士至其門曰能相師乎瞻曰幸甚隨入羅浮山四十年兄登第拜相後被謫至潮臺泊舟瞻冒雨來見瞻驚喜不勝瞻顏色如童瞻已皤然衰朽始謂瞻曰尚可修不瞻曰仙凡殊途今無及矣叙闊終夕忽失所在瞻竟死其所

黃洞源武陵人唐大曆中學道于桃源宮瞿栢廷至武陵師之尋遇一老僧遂辭洞源曰歸仙洞去洞源留之不兩期十八年再見後洞源之茅山栢廷忽至誌之正十八年洞源曰吾亦將踏滄海次日果羽化

瞿栢廷辰溪人自幼聰慧靈異稱為瞿童唐大順間奉母

避寇入武陵師事黃洞源已而得道又云幼時因戲躍入井中後自大西華妙洞中出依善卷祠修道功成越桃川宮昇仙時刺史溫造刻石紀其事

閻丘方遠宿松人幼聰慧學道于廬山道士陳玄悟又得法錄于天台葉藏質尤好儒學詮太平經為十三篇唐昭宗累詔不出賜號妙有大師景福中居餘杭大滌洞吳越王錢鏐奏請賜紫又奏請號玄同先生重建天柱宮以居之一日入齋中作控鶴坐怡然而逝異香滿室後有見之於仙都山者

譚峭字景升唐國子司業洙之子幼而聰敏文史涉目無遺洙訓以進士業峭獨好黃老諸子仙傳靡不精究一



日告父母出遊終南山父母以其堅心向道亦不以世  
事拘之乃聽其所從而峭師嵩山道士十餘年得辟穀  
養氣之術常醉遊夏則服烏裘冬則衣綠布衫或卧風  
雪中人謂已斃視之氣休休然頗似風狂每行吟曰線  
作長江扇作天靴鞋拋在海東邊蓬萊信道無多路署  
在譚生拄杖前後居南嶽煉丹丹成服之入水不濡入  
火不灼多能隱化後入青城山仙去峭嘗作化書南唐  
朱齊丘竊其名為已作行于世。

何令通南唐時為國師言牛頭山不利謫居休寧後至芙  
蓉峯一坐四十年豁然大悟更名慕真宋天禧中一日  
正席趺坐忽心火自灼頃刻而化。

馬大仙唐末處州馬氏女既嫁家貧養姑尤謹遇異人托  
以仙術往來備織去家百里有美食即以箸箕浮還家  
薦於姑頃刻就回人呼為大仙有廟在青田縣。

何九仙世傳兄弟九人居于山修道文居湖側煉丹丹成  
各乘鯉仙去後因名其縣曰仙游山曰九仙湖曰九鯉  
甘大將名佃五代象州人天性通明家富有有以窘乏告  
者必皆滿其所欲有以禍福問者無不奇驗一日聚鄰  
里告曰吾已厭世矣因諭衆人脩身事親太節語畢即  
瞑目而逝鄉人因建廟設像祈之從欲如生。  
赤肚子自言晚唐時人年已六百餘歲我

大明嘉靖年間猶隱於北京西山中。





汪台符

汪台符徽州人。生而靈異。逆知吉凶。能文章。博今古。性獨嗜酒。徐知誥鎮金陵。台符詣陳。民間利病。知誥甚尊重之。宋齊丘疾其高明。使親信誘台符飲。符即知。故浮白痛飲。卧地。因推沉石頭。蚶蚶磯下。後人每於黃山白嶽見之。齊丘聞。覓其尸。惟衣冠存耳。

麻衣仙姑。汾州人。姓任。隱于石室山。家人求之。不得。避有人見之。遂跳入石壁中。有聲殷殷如雷。壁即合。足蹟尚存。

爾朱洞字通微。其先出於元魏。爾朱族。少遇異人。傳還元抱一之道。因自號歸元子。初隱蓬山。後賣藥蜀漢間。行動如飛。好飲猪血酒。吟哦詩。逆旅主人每夕怪其屋有



聲因窺之見其身自榻而升觸棟而止或於枯骸中得  
 物如雀卵持以問洞洞曰繇服神丹而不能修煉故純  
 陰剝消無陽與俱獨就丹田成此耳若女子吞之當生  
 異兒唐末王建圍成都洞亦在城中城久不下建約城  
 陷日誅夷無噍類主人翁甚懼洞曰無憂也乃施席作  
 法籠攝建與三軍皆見神人乘黑雲叱建曰敢有禍吾  
 民者禍即及汝建等怖伏曰不敢後建入成都戒兵勿  
 殺民不改肆洞賣丹藥每一粒要錢十二萬時有某太  
 守欲買之曰太守金多非一百二十萬不可太守以為  
 移言惑眾命納之竹籠沉於江中至涪陵上流二漁人  
 乘舟而漁舉網怪其重出之乃洞也漁曰此必異人入



列傳全傳卷之十



定乎扣銅缶寤之少頃洞開自問漁人曰此去銅梁幾  
 何有三都乎漁人曰我白石江人此去銅梁四百里自  
 是而東即豐都縣平都山仙都觀也洞曰吾師謂吾遇  
 三都白石浮水乃仙去殆此地耶先是洞每至江濱輒  
 投白石驗其浮沉人不解也洞既登岸語二漁人曰視  
 子類有道者亦有所傳乎二漁人曰我昔從海上仙人得  
 三一之旨煉陽修陰亦有年矣洞於是索酒與劇飲取  
 丹分餌之至荔枝園中三人昇雲而去二漁人附

陳搏字圖南號扶搖子亳州真源人初生不能言至四五  
 歲戲渦水水濱有青衣媼引置懷中乳之即能言敏悟  
 過人及長經史一覽無遺十五詩禮書數以至方藥之





書莫不通究親喪先生曰向所學但足以記姓名而已  
吾將遊泰山與安期黃石輩論出世法合不死藥安能  
與世脂韋汨沒出入生死輪迴間哉乃盡散家業惟携  
一石鐺而去梁唐士大夫挹其清風得識其面如覩景  
星慶雲然先生皆莫與交唐明宗聞先生名親為手詔  
召之先生至長揖不拜明宗待之愈謹以宮女三人賜  
先生先生賦一詩謝之曰雪為肌體王為腮多謝君王  
送得來處士不與巫峽夢空煩雲雨下陽臺以詩及書  
奏付宮使遞去隱武當山九室巖服氣辟穀凡二十餘  
年復移居華山時年已七十餘矣常閉門卧累月不起  
周世宗顯德中有樵於山麓見遺骸生塵迫而視之乃

先生也良久起曰睡酣奚為擾我後世宗召見賜號曰  
雲先生一日乘驢遊華陰聞宋太祖登極拍掌大笑曰  
天下自此定矣太祖召不至再召辭曰九重仙詔休教  
丹鳳銜來一片野心已被白雲留住太宗初年始赴召  
惟求一靜室乃賜居於建隆觀扃戶熟寐月餘方起辭  
去賜號希夷先生端拱元年一日語門人曰吾來歲中  
元後當遊峨嵋明年遣門人鑿石室於張超谷既成先  
生往造之曰吾其歸於此乎先生初欲示化使盡夜燃  
燭至期以左手支頤而終逮七日容色不變肢體尚溫  
有五色雲封谷口彌月不散年一百一十八歲先生尤  
精易學鑒人察物辨別聖凡初兵紛時太祖之母挑太



祖太宗於籃以避亂先生遇之即吟曰莫道當今無天子却將天子上擔挑又遇太祖太宗與趙普遊長安市先生因同入酒肆普坐太祖太宗之右先生曰汝紫微垣一小星爾輒處上坎可乎周世宗宋太祖同行先生則云城外有二天子氣種放初從先生先生曰汝當逢明主名馳海內但名者美器造物所忌惜天地間無完名子名將起必有物敗之可戒也放晚年竟喪清節皆如其言陳堯咨既登第過謁先生坐中有道人鬢髻且堯咨連曰南菴南菴語已徑去陳異之問曰向來何人先生曰鍾離子也陳爲惘然欲追之先生笑曰已在數千里外矣陳曰南菴何謂也先生曰他日自知後陳轉

漕閘中過墟里間聞田婦呼其子曰汝去南菴促汝父歸陳驚問南菴所在往視則廢伽藍也有碣云某年月日南菴主人滅祠其真身於此乃即堯咨生辰也又能逆知人意齊中有大瓢挂壁上道士賈休復心欲得之而不敢言先生即曰子欲吾瓢爾呼侍者取與之有郭沆者少居華陰嘗宿觀下中夜先生呼令速歸且與之俱往一二里許有人號呼報其母卒先生因遺以藥使急去可救既至灌其藥遂甦華陰令王睦謂先生曰先生居溪炭寢止何室出使何人守之也先生且笑且吟曰華山高處是吾宮出即凌空跨曉風臺榭不將金鎖開來時自有白雲封一日有一客過訪先生適值其睡





見傍有一異人聽其息聲以黑筆記之滿紙糊塗莫辨  
 客怪而問之其人曰此先生華胥調混沌譜也先生嘗  
 遇毛女毛女贈之詩詩云藥苗不滿筭又更上危巔回  
 指歸去路相將入翠烟太宗聞先生善相人遣詣南衙  
 見真宗及門亟還問其故曰厥役皆將相也何必見王  
 拔是建儲之議遂定先生為种放上上世葬地於豹林  
 谷下未為定穴既葬先生言地固佳但安穴稍後世世  
 正出名將种放不娶無子嗣其姪世衡世為將帥有聲  
 先生以易數授穆伯長穆授李挺之李授邵康節以象  
 學授种放授廬江許堅堅授范諤至今糟粕猶存也  
 針玄英燕地廣陵人號海蟾子初名操後得道改稱焉明



經事燕主劉守光為相雅喜性命之說欽崇黃老之教  
一日忽有道人自稱正陽子來謁海蟾邀坐堂上待以  
賓禮道人為演清靜無為之宗金液還丹之要既竟乃  
索雞卵十枚金錢十文以一文置之几上累十卵於錢  
若浮圖之狀海蟾驚異之曰危哉道人曰人居榮祿之  
場履憂患之地其危殆甚於此復盡以其錢破擲之  
遂辭去海蟾繇此大悟是夜命家人設宴棄擲金玉朋  
早解印辭朝易服從道遁迹終南山下後又入代州鳳  
凰山于壽寧觀書龜鶴齊壽四字西蜀至代數千里皆  
同日時而書以示分形散景神變無方之妙丹成尸解  
有白氣自頂門出化為鶴飛冲天元至元六年贈明悟

引道真君

金紫霄泉州人閩王景封為正一先生閩亡寓廬山棲隱  
洞徒百餘廣有道術醮星宿禹步魁罡禁沮鬼魅禳祈  
災福知人壽夭南唐主召至建康賜之道號階以金紫  
皆不受金陵既下無疾而卒人知其尸解莫知其壽筭  
歸葬日有祥雲白鶴盤遶送之

景知常鄧州人少從趙瓊襖學道顏如渥丹宋太宗召至  
俄辭去嘗遇呂真人時或語唐昭宗以來事殆數百歲  
或祁寒浴溪或大暑曝日有書生病備噓酒飲之却能  
行所居夜神光滿室卒舉其棺甚輕開視惟衣食有異  
香焉



蘇澄隱真定人為道士住龍興觀年八十餘貌不衰老五代唐晉之君相繼聘召皆辭疾不至宋太祖征太原還駐鎮陽召見因求其養生之術對曰臣之養生不過精思煉氣耳帝王養生異於是老子曰我無為而民自化我無欲而民自正昔皇帝唐堯享國末年得此道也上大悅後百歲尸解

劉女汀州劉安上女育於宋雍熙初九齡與羽人談道得度及笄許妻何氏劉母送之忽有一白鷺自空而墮劉女乘之而去陳軒詩曰白鷺乘去人何在青鳥飛來信已遙若使何郎有仙骨也須同引鳳凰簫



劉女



劉希岳漳州人。宋端拱中為道士居西都老子觀遇異人得道號朗然子嘗自言辛勤未踰十年人驚不老歲凡俄經一紀自覺如新又詩有云夾香雙闌至頂門修行徑路此為根一日沐浴更衣陳席而卧須臾飛出丁金蟬遂失其所

馬湘字自然其先鹽官人世為小吏自然獨好經史工文學嘗與道侶徧游方外至湖州醉墮霅溪經日而出衣不沾濕言為項羽相召飲時以拳入鼻及出拳鼻如故指溪水令逆流指柳樹令隨水走來去指橋令斷復續一切小術無所不為人或有疾告者自然無藥但以竹拄杖打患處或以杖指之口吹杖頭作雷鳴便愈有以

財帛謝者固讓不取強與之輒散與貧人所游行之處官觀巖洞多題詩句其登杭州秦望山詩曰太上初分何處尋空留歷數變人心九天日月移朝暮萬里山川自古今風動水光吞遠徼雨添嵐氣沒高林秦皇謾作驅山計滄海茫茫轉更深後歸省兄兄適出謂嫂曰精歸與兄分此宅我惟愛東園耳嫂與食不食但飲酒待兄三日不歸遽卒明白兄歸嫂告以故兄感慟曰弟學道多年是歸託化以絕望耳乃棺斂棺中忽然有聲遂窆之東園時大中十年也明年東川奏梓潼縣道士馬自然白日上昇詔杭州發其棺只一竹杖而已

張九哥宋慶曆中居京師雖凍雪亦單衣燕王奇之嘗召





與飲後見王曰將遠遊故來別有小技欲以悅王乃取  
 羅重疊剪為蝶狀隨剪飛去遮蔽天日少頃呼之皆來  
 復為羅王曰吾壽幾何曰與開寶寺浮圖齊後浮圖災  
 王亦薨

甘始太原人善行氣不飲食間服天門冬行房中之事依  
 容成玄素之法更演益之成一卷後入王屋山仙去  
 王鼎襄陽人初寄籍醫士以養妻子後遇鍾離先生遂得  
 仙術自號王風子人罕見其飲食也一日行江干人見  
 其水中有二影怪問其故曰若欲更見之乎即現十影  
 衆皆驚異宋真宗召至禁中長揖不拜後辨去莫知所  
 之所著有修真書



賀蘭號棲真自言百歲善服氣往往不食或時縱酒能啖  
 肉至數斤始居嵩山紫虛觀後徙濟源登仙觀宋真宗  
 召問曰人言先生能點化黃金信乎對曰臣願陛下以  
 堯舜之道點化天下積方士小術不足為陛下道真宗  
 奇其言賜號宗玄大師賚以紫服白金仍蠲觀之田賦  
 未幾求還舊居卒時大雪三日頂猶熱  
 曹國舅宋曹太后之弟也因其弟每不法殺人後罔逃國  
 憲舅深以為耻遂隱跡山巖精思慕道得遇鍾離純陽  
 純陽問曰聞子修養所養何物對曰養道曰道安在舅  
 指天曰天安在舅指心鍾離笑曰心即天天即道却識  
 本來面目矣遂引入仙班





侯先生不知何許人。宋大中間，貨藥京師，年四十餘，無髮眉，而瘤贅隱隱，遍肌體。嘗醉，遇夜，即與乞丐同處。有馬元者，夏月隨之，出閭闔門。侯浴池中，元因就視，乃一大蝦蟆。元遽退，引侯浴，出着衣。元前揖之，侯笑曰：子適見我乎？乃召元飲酒肆中，出藥一粒，曰：服之，壽百歲。自此不復見。有自蜀中來者，見其貨藥于市。

曾志靜，廬陵人，自少不御酒肉，端毅寡言。去為道士，益玄默。遇異人，授以道術，自是杜門辟穀十餘年。異人來視之，曰：未也。去。又數年，復至，曰：可也。宋至和三年，春，忽語其徒曰：吾九月為衡山之游，至期正坐而化。既葬，有自衡山來者，持致志靜書，勉其徒學道云。





陳易興化縣人。好學工詩。王安下邊至相府。易一見不辭而歸。嘗不葷不娶。野服葛巾。日一飯。或經旬不食。居蔡溪之左巖中。五十年猶一日。宣和中。踟躕而逝。

陳太初。眉山人。初與蘇東坡學道於張易簡。後東坡謫黃州。有眉山道士陸惟忠來云。太初已得道。又數年見東坡于惠州云。太初已尸解仙去矣。

張栢端。天台人。少好學。晚傳混元之道。而未備。孜孜訪問。遍歷四方。宋神宗熙寧二年。遊蜀。遇劉海蟾。授金液還丹火候之訣。乃改名用成。字平叔。號紫陽。嘗有一偈。修戒定慧。自以為得最上乘禪。能入定。出神數百里。間頃刻即到。與紫陽雅志契合。一日紫陽曰。禪師今日能



列仙全傳卷之七



與遠遊乎。僧曰可。紫陽曰將何之。僧曰願同往揚州觀瓊花。紫陽於是與僧處一靜室相對瞑目。跌坐出神。紫陽至時僧已先至。遠花二匝。紫陽曰可折一花為記。僧與紫陽各折一花歸。少頃紫陽與禪師欠伸而覺。紫陽曰禪師瓊花何在。禪師袖手皆空。紫陽乃拈出瓊花與僧把翫。弟子因問紫陽曰禪師與吾師同一神遊何以有有無之異。紫陽曰我金丹大道性命兼修是故聚則成形散則成氣。所至之地真神見形謂之陽神。彼之所修欲速見功不復修命直修性宗故所至之地人見無復形影謂之陰神。陰神不能動物也。英宗治平中隨龍圖陸公寓桂林。後轉徙秦隴。久之訪扶風馬默處厚於

河東。乃以所著悟真篇授處厚曰平生所學盡在是矣。願公流布此書。當有因書而會意者。元豐五年夏跌坐而化。住世九十九歲。弟子用火燒化得舍利子百大者。如芡實色皆紺碧。識者謂曰此道書所謂舍利羅金姿也。後七年劉奉真遇紫陽於王屋山。留詩一張而去。紫陽嘗自謂已與黃勉仲維揚于先生三人皆紫微星號九皇真人。因誤校勘劫運之籍遂謫人間。今垣中光耀可見者只六星已。

劉斗子名奉真。或名劉斗子。建康人。張紫陽弟子。初修煉白龍洞中。後白日昇天。

石泰常州人。字得之。號杏林。又號翠玄子。遇張紫陽得金



丹之道初紫陽得道於劉海蟾海蟾曰異日有為汝脫  
韁解鎖者當以此道授之餘不可輕傳也後紫陽三傳  
非人三遭禍患誓不敢長傳乃作悟真篇行于世曰使  
宿有仙風道骨之人讀之自悟復懼鳳州太守怒誣以  
事坐黥竄經由邠境酒肆中遇杏林告以故杏林曰邠  
太守秦故人也乃為之先容一見獲免紫陽感之曰此  
恩不報非人哉盡以丹法傳於杏林杏林道成亦作還  
元篇行于世壽一百三十七於宋高宗紹興二十八年  
中秋日尸解後二年易介復見杏林於羅浮山  
趙吉瑞州高安人狂而落魄兩目皆翳自言生一百二十  
七年矣宋元豐中蘇轍謫高安吉往見之曰吾知君好





道而不得要陽不降陰不升故肉多而浮面赤而瘡教  
轍呪水以漑百體經旬諸疾皆愈吉後尸解於興國軍  
徐問真東萊濰州人有道術與歐陽脩善一日求去甚力  
脩留之不可曰我友罪我與公卿游脩使童子送之果  
有鉄冠丈夫長八尺餘俟于道以瓢覆酒于掌中少飲  
童子因遣回遂不見童子後亦發狂莫知所之嘗教脩  
引氣愈足疾蘇賦試之亦驗

黃希且昭武長樂里人號支離子居九龍觀儵然有出塵  
之志宋熙寧五年作五福宮成希且以戒行清潔召至  
京師後二年化形於太一宮後復具于蜀寄友人詩曰  
昔游西太一今日返成都若問去來事雲藏月影孤

徐熙春邵武人宋熙寧初夢鉄冠道人儀容脩偉既寤  
至城南五峯院後遇道人如所夢者自云姓蔡住武夷  
遺以五華草食之甘美自此不復粒食惟飲清泉約以  
某日會武夷至期而往蔡已先至徐以水深不能渡止  
於金身院修煉頃尸解

申屠有涯宋人居宜興嘗携一瓷餅一日與眾渡舟中出  
瓶中酒飲大吐眾惡之乃挈餅登岸倚杖吟曰仲尼  
非不賢為世所不容蚩蚩同舟子不識人中龍吟畢躍  
身入餅中眾駭舉餅碎之寂無所見

朱有涇州人少竄戍五符宋元豐初瀘賊犯塞詔起秦卒  
征之軍次資中郡有醜壇山李阿試仙臺有往來臺上



俄二鳥飛鳴，至食墜地。若松肪者，有取食之，即腹脹且渴。求池飲水，遇一道士，指松曰：「食此葉可療也。」忽不見。有如其言，渴遂止。自覺心爽神清，有初不知書，不飲酒。至是高吟劇飲，脫五符而仙去。

陳仁嬌，南海陳玘女也。嘗夢為道，遙遊及寤，每專思舊游，不釋。忽八月望丙夜，有仙女數百，從空招之。仁嬌超然隨眾，往朝于帝，遂命掌蓬萊紫虛洞。宋元祐中，降于廣州進士黃洞家者再。

邵琥，宋湘陰縣人。少與兄玘弟珪同游太學，遇至人後歸都嶠山，結庵修煉。元符初，蘇軾自嶺表歸，訪琥，留庵旬餘。後琥又於西蜀蛾眉山結庵，無何遁去。但留詩壁間。





云。徃徃來來三十年。更無踪跡在西川。功成行滿昇天去。回首山頭月正圓。

雷隱翁。名本。少磊落不群。既長業進士。再試即棄去。默坐終日。或謂其癡。隱翁笑曰。終不以吾癡。易汝黠。一日以術授其子。因出遊不返。宋元祐間。有朝士遊羅浮山。見其坐于松下。自道姓名。云雷隱翁。

林靈素。字通叟。永嘉人。母夜歸室。見紅雲覆身。因有孕。懷二十四月。一夕夢神人。綠袍玉帶。眼出日光。執筆告曰。來日借此居也。次日靈素誕。金光滿室。五歲不語。忽有道士不告而入。見靈素曰。久別。特來相謁。相顧撫掌大笑。自此能言。七歲粗能作詩。日記萬言。蘇東坡以曆日





與讀一覽能誦東坡集曰子聰明過我富貴可立待靈  
素笑而答曰生封侯死立廟不離下鬼非予志也年三  
十遊西洛遇道士姓趙授以神霄天壇王書書中有神  
仙變化法并興雲致雨符呪驅遣百鬼役使萬靈等法  
自後無施不靈次年岳陽酒肆復遇趙道士云吾漢天  
師弟子趙昇也向授王書宜謹行之行當為神霄教主  
兼雷霆大判官以輔東華帝君也崇寧五年八月十五  
夜徽宗夢遊神霄府赴王帝召騰空而上遙見天門一  
人星冠法服執圭引帝入門上有朱牌字曰神霄玉闕  
之門次過一小院曰王樞院一朱衣吏迎帝入曰此帝  
君舊居也及朝見王帝傳旨云宜任忠賢去奸邪保社

穆帝自天門而下百餘步見一道人青衣青巾跨青牛  
而上導從甚肅至帝前呼萬歲言訖駕青牛而上天門  
帝夢覺記之大觀二年詔求天下有道之士茅山宗師  
以靈素薦入見帝曰卿有何法術靈素云臣上知天上  
中識人間下知地府先年中秋上朝王帝臣曾瞻見天  
顏帝曰朕方省之向乘青牛何在曰寄養外國不久當  
進上也帝甚奇之不時宣召入內刪定道史經錄靈壇  
等事帝以師事之特建神霄宮宮成帝引百官遊行吟  
曰宣德五門來萬國蔡京等沉思無答靈素輒應曰神  
霄一府控諸天帝大喜帝欲修雷書金經全足收入道  
藏未訪不得靈素靜心飛神奏告上帝乞賜觀雷書并



寔司等印上帝遣王女以二印授之併雷書五卷靈素  
 遂錄雷書進上至是始全政和七年高麗國果進青牛  
 帝大喜即以賜靈素重和元年華山因開三清殿基石  
 匣中有雷文法書一冊金地繭紙進至御前與靈素所  
 錄雷書一字不差帝於禁中封自書青詞密奏次日問  
 靈素曰昨朕所奏青詞達否對曰未達緣誤寫一字靈  
 官未敢以聞乃讀帝青詞朗朗帝撫靈素背曰先生真  
 神仙也因賜號金門羽客一日靈素侍膳帝嘆曰日思  
 皇后英魂先生可能致一見不靈素曰諾至夜設醮飛  
 符召之奏云皇后見在玉華宮與王母宴集頃刻即當  
 至矣俄異香襲入天花亂墜仙樂滿空皇后駕青鸞而

至謂帝曰巨妾昔為仙官主者因神霄相會思凡謫下  
 人間今還復居舊職願陛下防丙午之亂任忠去奸誅  
 童蔡以謝天下其禍可免帝問卿昔在仙班是何取位  
 后曰即紫虛元君陰神陛下即東華帝君也帝曰禁中  
 諸人有自天降者不后曰明節乃紫虛玄靈夫人王皇  
 后乃獻花菩薩太子乃龜山羅漢尊者蔡京乃北都六  
 洞魔王大頭鬼童貫是飛天大鬼母林先生是神霄教  
 主兼雷霆入判官徐知常是東海巨蟾精帝又問國祚  
 如何默默不答漸隱身而去靈素嘗侍宴太清樓不見  
 元祐黨碑即稽首上恠問之對曰碑上皆天上星宿臣  
 敢不稽首因為詩曰黃不作文章伯童蔡翻為社稷



臣三十年來無定論，不知奸黨是何人。帝他日又謂靈素曰：安得見真武聖像？靈素曰：容臣同虛靜天師奉請。焚符畢，黑雲蔽日，大雷霹靂，火光中現出龜蛇，須臾降一巨足塞於殿前。帝拜云：願聖祖見身，俾得瞻仰。遂現身長丈餘，端嚴妙相，皂袍金甲，王帶腕劍，披髮跣足，頂有圓光。立時，帝自為寫真，與昔太宗皇帝時寫者無異。帝愈敬之，又請見王母。靈素但燒一小符，王母即領諸王女乘雲而降。帝捻香再拜，王母曰：東華帝君久不見矣。帝請訓教，王母乃授以神丹補益之法。臨去曰：察姦臣遷都長安，法太祖太宗行事，不然後悔無及矣。靈素居一室外，常封鎖，雖駕到亦不引入。蔡京請于帝

曰：室中有黃羅帳，銷金龍牀，椅卓皆朱，故不欲帝見。願陛下親往觀之。帝即幸神霄宮，與京徑入其室，但見粉壁明窓，椅卓二隻，他無一物。京惶恐請罪，靈素請問帝語其故。靈素笑指壁上見一金樞，王殿龍床，黃羅帳如錢大帝亦笑曰：先生遊戲自佳也。後太子奏林靈素俱妖術，陛下如不信，乞宣諸法師破其邪法，正罪誅之。時有十二人俱善法術，帝命十二人會於疑神殿，闢法宜太子諸王暨群臣觀之。靈素嚙水一口，化成五色雲，雲中有金龍獅子仙鶴鳴躍殿前。十二人奏曰：皆紙獅龍鶴耳。臣等誦大神咒，當令返形。眾念咒，龍鶴愈加多。帝曰：負矣，更有何術？十二人奏能咒水使沸，靈素取氣



一口吹盂中水即成。靈素乃乞聚炭為火洞。臣先  
入令十二人隨之。靈素入火洞。火不着衣。諸人伏地哀  
告乞赦。帝怒發。開封府刺面配遣。靈素見朝政日非。密  
上疏云。蔡京鬼之首。任之以重權。童貫國之賊。付之以  
兵柄。彗星示變。陛下不能修德以禳之。太乙離宮。陛下  
不能遷善以避之。若云數不可逃。然古昔却有過期之  
曆。臣今暫辭龍顏。願陛下自愛。帝降詔不允。靈素呼諸  
弟子。將前後給賜之物。約可三百擔。編號封鎖。室中竟  
私出國門而去。帝乃賜觀溫州。一日謂弟子張如晦曰。  
塵世不可久戀。况大禍將及。吾將去矣。他日神霄再會。  
言訖端坐而化。先自指墳於郭外。遺命曰。可於正穴中

更深五尺。見龜蛇。即下棺。見五色氣出。不可蓋土。宜急  
走百步。弟子依其言。下棺後。忽山崩石裂。不知所在。大  
子即仙。遣人伐靈素塚。三日不知去處。見亂石縱橫。黑  
風雷雨。火光繞地。對面不能相覩。使臣還奏。淵聖始悔  
異之。勅封通真達靈真人。立祠天慶觀。至今存焉。趙鼎  
嘗作記曰。先生旨趣淵深。非博學士夫莫能曉識。僕未  
仕時。先生曾許僕。當典作相。若遇春頭木會之賊。可  
以致仕。不然則相遇於潮陽古驛中。初不以為然。後作  
相時。因奏事。果遭秦檜之害。被罪海島。道經潮陽驛中。  
方抵驛庭。見一少年。繡衣朱鞋。徑入驛中。視之。即先生  
也。笑問曰。前言繆乎。始知先生是真仙也。





李臯涕。宋紹聖初。劉延仲寓秀州。嘗有道人過門。或從求藥。則以臯涕和垢膩為丸。與之。病立效。因目為李臯涕。延仲延之坐。曰。今日適無酒為禮。道人笑曰。床頭珍珠泉一尊。何不出以待客。劉大慚。呼童取尊。道人曰。不必取。但將空尊來。尊至。索紙覆之。少焉。香溢於外。成美酒矣。坐者皆醉。明日。劉有他客。出。所謂珍珠泉者。而尊中無涓滴矣。一日。請劉別云。後二十年某月某日。當於真州相見。至期。劉卒於真州。

吹角老兵。高州人。忘其姓名。宋紹聖初。一日題詩樵樓上。曰。畫角吹來歲月深。誰樓無舌亦無心。不如歸我龍山去。松竹青青何處尋。遂遁形。莫知所終。

列仙傳卷之七

三十一



張俞字叔才明縣人為道士自稱白雲片鶴宋紹聖初游  
汴見趙鼎大呼曰中興名相人驚異之他日又遇鼎曰  
吉陽相逢後鼎紹興五年為相晚竄吉陽忽與白雲相  
遇白雲曰憶疇昔之言乎公將歸矣未幾鼎果卒

苾衣道人淮陽軍朐山人姓何祖執禮仕至朝議大夫道  
人避亂渡江嘗舉進士不第紹聖末來平江身衣白布  
久之衣敝緝之以苾衣臨池照影朗然大悟人問休咎  
因不奇中會有瘵者求治持一草與之即愈求而不得  
者病遂不起孝宗連召不至賜號通神先生賜衣數襲  
皆不受後莫知所之



苾衣道人



王文卿撫州臨川人解雷致雨役使鬼神之術宋政和  
初召見時將有事明堂雨不止上命禱晴天即開霽禮  
成復雨賜號中虛通妙先生凝神殿侍宸時揚州大旱  
詔求雨侍宸為伏劍哭水曰借黃河水三尺後數日揚  
州奏得雨水皆黃濁後歸紹興一日謂其徒曰西北有  
黑雲起當速報我移時果然即入室解化乾道初人有  
見之於成都者

陶道人黎州卒也宋政和間入獅子山採薪遇異人得道  
與王畫龍同時王每畫龍必有所缺不然則隨雷雨變  
化陶每見王輒以杖擊之曰此龍妖也後俱不知所往  
王畫龍附

李思廣吉水人自幼志操特異放情山水間得錢即易酒  
或獨飲于市年七十餘容貌愈少宋政和四年游螺川  
常住習溪橋酒家酒媪以其異來則飲之不問其值二  
日謝別老媪晨起視已死矣報所親殯葬之月餘有客  
見思廣于千里之外衣冠如故乃開棺不見其尸  
羅晏閬州人兒時牧山下見一道人交晏釋牧觀之道人  
出囊中餅與食食已歸家覺腹中如燎因發狂累日自  
見惟飲水稍稍預言禍福無不神驗宋宣和中賜靜慈  
妙應處士張浚延至軍中晏曰相公勿恐明日虜退果  
然加號太和冲夷先生年一百七十八始逝  
張虛白鄧州南陽人通太乙六壬術留心丹竈遇真人符



秘訣宋徽宗聞其名召管太乙官恩賚無虛日官太虛  
 大夫金門羽客出入禁中終日論道無一言及時政曰  
 朝廷事有宰相非予所知也金人尤重之呼為神仙一  
 日曰某年月日吾當化去至期果然  
 魏二翁濮州雷澤人遇異人得道手持蒲箒時時語人禍  
 福里閉重之每製續奉以禦寒倫兒夜至欲竊之二翁  
 輒呼其名曰爾欲我續乎盜驚謝而去宋徽宗聞其名  
 遣使召之至其廬但聞鼻息鼾如雷不見形影惟得  
 頌一章以歸宣和初尸解仙去  
 羅昇宋宜春人少貧以屠狗為業晚乃貨藥市中遇異人  
 授以方術年幾百忽一日辭親故奄然而逝時政和二





年也後有客見其在海陽市貨藥有書寄鄉人驗其日  
廼其解去之明日也

劉益藍田人隱直庵廬六十年肌膚如玉雨泥徒步騎不  
能及徽宗雖禮之甚厚然非所樂也力求還山宣和未  
常曰山川草木何腥羶之甚耶遂尸解去已而戎難果  
作矣

武元照紹興蕭山人於在女孩母或茹葷輒終日不乳及  
菜食乃乳母異之後長議道人女不樂忽夢神人告曰  
汝本玉女坐累暫謫塵世今可絕食及覺欲不食毋強  
食之又夢神怒曰違吾戒也乃剖腹滌之因授靈寶法  
自是能以符水療人疾一日詣數十家聚話諸人往其

家訪之云已死矣詣數十家之日即尸解之日

孫賣魚不知其名嘗賣魚楚州市暑中遇一道士謂曰汝  
魚餒矣能飲我可使魚活遂飲以斗酒因與談論而去  
魚果活自是言人禍福輒應宋宣和中召至京師賜號  
塵隱處士復還楚州情康初忽於亳州太清宮號眺大  
哭人莫之喻有記其時日者乃汴京陷之日也

梅志仙檀州人戒行嚴峻修道黑山二十餘年遂能出神  
分身遠遊郡國人莫能測有無根柏一株使其徒栽之  
立見茂盛即於石崑決辰不食虎馴遊其側年九十餘  
尸解

范子珉處州道士嗜酒落魄談人意外事多奇中善畫牛



忽訪郡守錢竿曰負公畫田軸故來相償書成儼然就  
逝將歛得片紙於席間書曰庚申日天帝召范子珉即  
其解日也

有象列仙全傳卷之七



